



Inatsisartunut ilaasortaq,
Stine Egede, Inuit Ataqtigiit
Maani/

§ 37 naapertorlugu apeqquteqaammut nr. 164-2020-mut akissut

Inatsisartut suleriaasianni § 37, imm. 1 naapertorlugu Kujataani aalisarneq pillugu Naalakkersuisunut apeqquteqarsimavutit. Apeqqut suliaasaqarfigisannit akineqar-tussanngorlugu innersuunneqarpoq.

Ulloq: 07-10-2020
Suliap normua: 2020 -
17270
All. nr. 14980069

Naalakkersuisunut apeqqutigisat:

1. **Aalisarnermut, Piniarnermut Nunalerinermullu Naalakkersuisoq aasaa-nerani kujataani angalanerminut atatillugu Narsami aalisartunut naapit-sinermini ilaatigut oqariartuuteqarsimavoq Kangerluarsuk aalisarfigine-qarsinnaajunnaassasoq, Kangerluarsummi aatitassarsiorneq Tanbreezi-mit aallartinneqassagaluarpat. Naalakkersuisup ersarinnerusumik nas-suiaateqarsinnaappat?**

Postboks
269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Akissut:

Tamanna paatsoorneruvoq. Taamatut oqaaseqarnikuunngilanga. Oqarpunga aat-sitassarsiorfinnik pilersitsinissami akuersissuteqalerniarnermi aatsitassarsior-fimmik pilersitsisoqassagaluarpat/sanaartortoqassagaluarpat avatangiisit eqqaa-niittullu akornusersorneqannginnissaat qulakkeerniarlugu suleriaaseqartoqar-tartoq. Tassungalugu atatillugu oqarpunga suliaqartoqarnerani taamatut naliliiner-mik aallartitsisoqarsimasoq, taakkunungalugu ilaavoq VVM pillugu nassuiaat.


2. Naalakkersuisut tassunga tunngasunik allanik saqqummiussassaqarpat ?

Akissut: Aatsitassarsiorfiit VVM pillugu nassuiaammik suliaqartussaapput Naalakkersuisuni suliarinissaa sioqqullugu tamanut tusarniaatigineqartussamik. Taamaaliortoqartarpoq aalajangiiniarnerni tamat peqataatinneqarnissaannut tunngavissamik pilersitsiniarluni. Nassuiaammi pinngortitamut avatangiisinullu tunngassuteqartut nalilersorneqarlutillu nassuiarneqassapput, taakkunungalugu suliniutigisassatut siunnersuutigineqartumut avatangiisitigut sunniutaasinnaasut ilaapput.

Taamaalilluni Tanbreez pillugu suliniutigineqartoq VVM pillugu nassuiaammi 2013-imeersumi nassuiaaffigineqarpoq. VVM pillugu nassuiaammi atuarne-qarsinnaavoq avatangiisit atortunik toqunartortalinnik imaluunniit akuutissanik mingutsitsisinnaasunik mingutsitsisoqarnissaa naatsorsuutigineqanngitsoq. Pujoralannik siaruarterineq annikitsuinnaassaaq najukkamiiginnartussaallunilu, toqunartortalinnillu imaqaqarnaviarnani. Suliniuteqarnermi sumiiffimmi uumasut pingaarnerit (soorlu nattorallit eqaluillu) imaluunniit naasut qaqutigoortut suunngitsumik akornusersorneqartussaapput imaluunniit qimaatinneqarna-

viangillat. Taamaalilluni VVM pillugu nassuiaammi paasissutissiissutigineqartut tunngavigalugit Killavaat Alannguani (Kringlerne) aatsitassarsiornerup kingunerisaanik aalisarnermik nunalerinermillu inuussutissarsiorlut avatangiisigtut pingaarutilinnik sunnerneqarnissaat naatsorsuutigineqanngilaq.

Inussiarnersumik inuulluaqqusillunga



Jens Immanuelson, Aalisarnermut, Piniarnermut Nunalerinermullu
Naalakkersuisoq